



KICHI OGIMA ANISHINABE AKOZIWIGAMIGON ODITINIGEWIN

Kíshpin kí píndigeyanban Kichi Ogimá Anishinábe Akoziwigamig, kida mígiwen Wídókázowin Eshkwemag mádjiseg Kenozidj Kízis 27, 2026. Ká'n kego enagindágwag tibádjimownan ashidj wídókázowin tagon kidji wábandaman.

Awasó Tibádjimowin wíndamáge kágídádj kego inakág, songádizi ashidj madji wídj pimádizi, konima awiyag odamikán ánimak iye. Awasó wejibíhigádeg kí ashidinigáde kidji ayán tibádjimowin inakág iye Wídókázowin. Kíshpin kín konima gaye awiyeg ka wídókáwidj ayádj tash kego inakág mogotowin ashidj/konima gaye nandawenindang kidji ganonádj awiyen, wídókázowin tagon ondji Apenimo Mino Pimádizi Madwesidjigan: **1-855-242-3310** konima gaye **www.HopeForWellness.ca**.

Ondjising 1936 ako 1981, Kichi Ogimá ogí ayánan ákoziwigamigon ejinikádeg 'Kichi Ogimá Anishinábe Akoziwigamigon'. Inakág mámawo ákoziwigamigon, *Ann Cecile Hardy v. The Attorney General of Canada* (Tibákonige Eshkwemag No.T-143-18), pemádzidjig ka píndigewadj índaje 'Kichi Ogimá Anishinábe Akoziwigamigon' ogí nandawábandán wídókázowin wenzikág Kánádang ondji madji ijiwebad, ashidj kitawenindamowin, madji ikidowin, songádizi ashidj/konima gaye wídj pimádizi madji todamowadj, apích ka píndigewadj.

Apích Odeyimin Kízis 24, 2025, Kichi Ogimá Tibákonigewin ogí odápinán iye Wídókázowin Nakodamowin. Awaso Wídókázowin nisidawinán ka iji inápinakídj indaje Akoziwigamigon ashidj mígiwen shóniyá, pimádizi wídókázowin, ashidj kinwej kidji wídókázodj inakág mino pimádiziwin, kikinámágoziwin, andakikendjigewin, ashidj kesháwádj ijichigewin.

Iye Wídókázowin Eshkwemag Tagong kida shesin Kenozidj Kízis 27, 2026. Ogo Mámawo Akoziwigamigon odayánáwá ako Miskomini Kízis 27, 2028 kidji mígiwewadj Eshkwemag ondji wídókázowin.

AWEGONEN TASH WIDOKAZOWIN NAKODAMOWIN KE ONDINAMAGEDJ

Pepejig Wídókázowin ondji igeg Gashkito Nitam Mámawo Akoziwigamigon Pemádzidjig

Eta igodj Nitam Mámawo Akoziwigamigon kida oditináwá wídókázowin wenzikág iyo Wídókázowin Nakodamowin.

Kidji oditinaman, igeg Nitam Mámawo Akoziwigamigon ijinágwad ayámowadj:

- ka píndigewadj apích Kichi Ogimá Mámawo Akoziwigamigon ká shesing apích ono Kichi Ogimá Akoziwigamagon ká mádjíshkátodj owa Kichi Ogimá, ashidj,
- ayámowadj madji ijiwebad, ashidj kitawenindamowin, madji ikidowin, songádiziwin ashidj/konima gaye wídj pimádiziwin, megwádj abidj indaje Kichi Ogimá Anishinábe Akoziwigamigon.

Wídókázowin mádjise \$10,000 ako \$200,000 apích kego madji kodamandjitodj owa Nitam Akoziwigamigon Awiyá.

Nitam Mámawo Akoziwigamigon Ogo ká mádjádjig apích konima gaye ishkwáyádj Kenozidj Kízis 25, 2016, konima ta oditineg inakág Nibo Tibákonigewin.

Ningodódeg Mámawo Akoziwigamigon, násáb igodj wídigemáganag, abinodjínshag, óshisag konima gaye odódeman ogo Nitam Mámawo Akoziwigamigon, káwín gashkitósíg kidji wídókágoniwadj awaso Wídókázowin Nakodamowin.

Iyo Nakodamowin ká'n ashidinazín wídókágewin ondji madji mashkíkí ahindiwin konima gaye kego inakág nandokoniní inanokíwin.

Ashidj tash ondji pepejig wídókázowin ondji igeg Nitam Mámawo Akoziwigamigon, kakina Mámawo kida wídókáganiwog, ashidagindágwad:

- Mino Pimádizi Wídókázowin kida tagon \$150,000,000 kidji wídókáng mino pimádiziwin, nókenindamowin, ganawábandán inwewinan, kikinámágoziwin ashidj kesháwadj ijichegewinan;
- Andakíkenindjigewin ashidj Kesháwádj Ijichigewin kida ate \$235,500,000 kidji wídókáng andakíkenindjigewin ashidj kikinámágoziwin inakág Kichi Ogimá Anishinábe Akoziwigamigon; kaye,
- \$150.000.000 kinawe ínibina ondji Anishinábe Wídókágewin Kánádáng, anáming nóngom ijichigewin, kidji wídókawadj Nitam Mámawo Akozi mino pimádiziwin inakág awaso Wídókázowin Nakodamowin.

AWENIN KEGASHKITODJ KIDJI ODTINANG IYO WIDOKAZOWIN?

Konima kida pagidinigo kishpin:

- Kígí píndigen pejig ono 33 Kichi Ogimá Anishinábe Akoziwigamigon iye apích ka mádjíshkátódj Kichi Ogimá Kánáda, ashidj
- Kígí ayán kitawenindamowin, madji ikidowin, sóngadiziwin ashidj konima wídj pimádizi madji todamowin (ega tagong mámawi mashkíkí andawíwewin) apích ka píndigen.

Kakina mawandobíhigewin onón Akoziwigamigon ashidj apích ká mádjíshkág tagon ondaje www.IHSettlement.ca.

Ningodódeg Mámawo Akoziwigamigon káwín kida gashkitósig kidji oditinamowadj iyo wídókázowin. Kida gashkitóg kidji oditinamowadj kego ayeng Mino Pimádizi Wídókázo, Andakíkenindjigewin ashidj Kesháwádj Ijichigewin, ashidj mino pimádizi wídókázowinan.

ANIN APICH KE MIGIWEYAN IYO WIDOKAZO ESHKWEMAG?

Iye Wídókázowin Eshkwemag Tagong kida shesin Kenozidj Kízis 27, 2026. Nitam Mámawo Akoziwigamigon odayánáwá ako Miskomini Kízis 27, 2028, kidji mígiwewadj Wídókázo Eshkwemag ondji iyo wídókázowin.

AWEGONEN MAYA KIKENINDAMOKIWIN NANDAWENINDAGWAG KIDJI MIGIWEYAN WIDOKAZO ESHKWEMAG?

Iyo Wídókázo Eshkwemag kida gagwedwe kikenindamókíwin kidji wewenind kikenindágozin kín iye maya, ánín maya ka píndigen, ashidj kakina kego ka ijiwebag iyeng Kichi Ogimá Anishinábe Akoziwigamig. Mámakádj ke mígiwen:

- Kichi Ogimá kikenindágozin eshkwemag
- Kidinónzowin ashidj ándí kedaje mikágon
- Kichi Ogimá Anishinábe Akoziwigamig ka píndigen
- Anín apích ka píndigen
- Tibádodan ánín maya madji todamowin ka pimosenindaman, kín tibinawe ikidon.
- Kíshpin mígiwen Wídókázo Eshkwemag ondji awiya ka nibodj, konima gaye Pemádizidj Ayádj Mákiziwin, mámakádj ke mígiwen awashamenj eshkwemagon.

KA'N KEGO ENAGINDAGOSINON WIDOKAZOWINAN ONDJI MAMAWO PEMADIZIDJIG

Ká'n kego enagindágosinon kikenindamókíwinan ashidj wídókázowin tagonon ondji Mámawo Pemádizidjig:

- Wídókázodjig ondji Wídókázo Eshkwemagon taniziwag kidji moshkinebíhiman iyo Wídókázo Eshkwemag ashidj nakwetamowadj wa kikenindaman kedijiwebag.
- Mámawo Tibakonigewininiwag taniziwag gaye, ká'n kego epítenindágozinon, kidji nakwetamowadj tibákonige kwagwedwewinan ondji iye Nakodamowin ashidj Wídókázowin Ijichigewin.
- Kida odápina tibákonigewinini kidji wídókág. Kíshpin tash mínigon wídókázowin, iya tibákonigewinini ka wídókág ta kwagwedwe kidji kígíkágoniwídj mámawi Kichi Ogimá Kánádáng. Kitawenindamowin ashidj mino pimádizi wídókázowinan tagon apin 24 tibahigan pepejig kíjigag ayeng Apenimowin ondji Mino Pimádiziwin **1-855-242-3310** konima gaye **www.HopeForWellness.ca**. Wídókágewin kidji ganónadj awiya tagon Aganeshámowin, Wemitigojímowin, Kinistínómowin, Ojibwemowin ashidj Inuktitut apích kwagweden.

ANDI KEDAJI MIKAMAN AWASHAMENJ KIKENINDJIGEWIN?

Ondji awashamenj kikenindjigewin ashidj pejig iyo Wídókázo Eshkwemag, awi wábandan Kichi Ogimá Anishinábe Akozíwigamigon Wídókázowin Nakodamowin ayeng www.IHSettlement.ca.

Kida madwesidjige kaye Kikenindamókí Madwesidjigan **1-888-592-9101** (shesin ondamitá kǐjigag wendji 8 kijebáwagag ako 8 onágoshig. Wábanong Apích, ká'n shesinon anwetá kǐjigong) ondji kikenindjigewin ashidj wídókázowin:

- Mágobidon 1 kidji ganónadj Nígánídj, kidji kikenindaman kid Eshkwemagom, konima gaye kidji kwagweden inakág nanda-gikenindjigan
- Mágobidon 2 kidji ganónadj mámawi Eshkwemag Wídókágedj
- Mágobidon 3 ondji Apenimo Pimádizi Wídókázo Madwesidjigan

Konima gaye kida ganóna Tibákonigewininí mámawi kegoshish inakág Wídókázowin Nakodamowin konima Wídókázo Eshkwemag ábadjiton iyo kikenindamókíwin nísehí. Ká'n kego enagindágwaksinon kidji ganónadj Tibákonigedjig.

WABANONG KANADANG (ONT, NB, NFLD, NS, PEI, QC)

Koskie Minsky LLP

20 Queen St West
Toronto, ON M5H 3R4
Nanda-gikenindjigan: IndianHospitalsClassAction@KMLaw.ca
Madwesidjigan: **1-866-777-6308**

EPANGISHIMODJ KANADANG (AB, BC, MB, NT, NU, SK, YK)

Cooper Regel LLP

77 Chippewa Road
Sherwood Park, AB T8A 6J7
Nanda-gikenindjigan: Info@CooperRegel.ca
Madwesidjigan: **1-866-777-6308**

Merchant Law Group LLP

2710 17th Avenue SE
Calgary, AB T2A 0P6
Nanda-gikenindjigan: Hospitals@MerchantLaw.com
Madwesidjigan: **1-888-652-7020**

Klein Lawyers LLP

1385 West 8th Avenue #400
Vancouver, BC V6H 3V9
Nanda-gikenindjigan: IHClassAction@CallKleinLawyers.com
Madwesidjigan: **604-874-7171**